

欽定剿平三省邪匪方略

欽定剿平三省邪匪方略續編卷十

癸亥年

四月初一日

己丑

額勒登保奏言竊

臣

將營盤鍋

帳酌留西壩梁挑帶兵丁千名親率總兵王兆

夢侍衛輝領等向西馳進賊匪探知折由扒子

壩長平宜溪一帶南竄達斯呼爾岱羅聲臯亦

由西南跟追而進

臣

檄令總兵達自祥自西而

東併力兜剿旋據達自祥稟報十三日帶兵由

平溪壩探剿拏獲賊匪王俸等十四名現與達  
斯呼爾岱羅聲皇在小平溪會合分兵進剿達  
自祥由九子坡一路抄出賊前達斯呼爾岱羅  
聲皇由小平溪過河躡蹤追襲臣取道亭子廟

水田坪絲羅壩一帶顧東迎剿十七日二更三  
更先後發兵十八日黎明據報賊匪竄向烏梢  
灘小水溪一帶當又分派副將蕭鳳來等帶兵

尋蹤而進維時達自祥率叅將馮元等帶兵山  
草塌場抄出該匪竄上甘草池山梁恃險抵拒  
正在相持達斯呼爾岱羅聲臯帶兵趕到鎗箭  
並施斃賊十餘名賊始敗退南竄又據田朝貴  
稟報在大灣黃柏棚老林剿殺賊匪六名生擒  
三十二名是日叅贊德楞泰所派協剿之副將  
馬元亦帶兵趕到卽商同追剿在麥家山之東

北分兵進擊共計擒活賊三十四名殺賊十一  
名又探得葛藤壩老林有零匪游奕田朝貴等  
帶兵圍擊殺斃賊匪二名活擒八名餘匪竄上  
三層石巖逃匿無蹤經楊遇春督率張瑗祝廷  
彪等在白巖老林剿捕殲斃六名該匪由化龍  
山折遁元嶺初一日祝廷彪等冒雨追及督飭  
兵勇直前趕剿與賊攪殺一處戮斃賊匪三名

兵勇亦有傷亡我兵同切憤恨一擁衝入賊羣  
又斃賊四名生擒二名餘匪繞林狂竄官兵仍  
躡蹤緊追該匪情急連夜由鍾家溝黃泥塌翻  
山奔過乾竹河界嶺竄及楚界張瑗聞信抄至  
竹谿河口查探剝剩殘匪實已不過百人張瑗  
卽帶領兵勇取道西密河趨程前進窮賊所向  
以期悉數殲淨楊遇春自豐溪前進初十日趕

抵老莊子探得所追殘匪由下河向東南狂奔  
另有賊匪一起約二百餘人由風竹漕竄匿後  
河林內相距老莊子三十餘里卽先行剿辦時  
己申末遂商定連夜分兵兩路進剿張瑗同侍  
衛沙地保督兵由碑埡子截擊噶拉祝廷彪督  
兵由馬鬃嶺下壓三更時兩路兵勇齊抵賊屯  
一擁衝撲當殺賊二十餘名生擒三十八名餘

匪鑽林逃散維時月落黑暗將兵齊集天甫黎明卽分投入林搜捕又獲賊十七名該匪被剿情急滾巖撲河者二十餘名訊據獲犯呂宗明供稱我們是黃白號係總兵趙朝拔管事因我年長家人就拜我爲元帥與趙總兵一同管事去冬在大寧山內被兵衝散那時有八十餘人兩次會合線號青號共有二百多人就在川楚



界嶺老林藏躲閏二月折回房縣地方由茶垣  
子走到後河又合上白號五六十人前日在風  
竹漕屯紮聽說這一帶有兵大家商量要回巴  
東原說四更起身不料三更就被官兵殺來將  
我拏住等供當將該犯同僞先鋒余用坤石定  
林大旗手黃興富等凌遲處死戰手鄒登雲等  
四十二名概行正法難民蕭金朝等九名給票

釋放並據兵勇繳到耳記二十九副張瑗仍率  
兵趕剿並探悉原剿百餘殘匪已與慶溥所辦  
之賊合夥由白河一帶狂竄張瑗亦一併探明  
追擊楊遇春督飭趕辦臣伏查達斯呼爾岱等  
所追賊匪原只四百餘人因前在通江境內與  
羅思舉趕剿之零匪八九十人湊合是以有五  
百餘人賊數既多且極狡猾以致一時未能得

手臣已督兵向東南進發探悉賊蹤督同達斯

呼爾岱上緊趕辦臣查去冬奏報蒞功時剿剩

零匪統計不過千餘人乃數月以來賊數仍未

減少推原其故皆因前次剿散餘賊三五零星

藏匿滅跡官兵未經探悉此時又復攢聚出而

滋擾且亦不免間有一二稟裔該匪自知萬無

生理非晝夜狂奔卽伏匿踞險乘間反噬實深

焦灼憤懣之至此時陝省征防官弁兵勇尚有

三萬餘名

臣

一路本帶進剿馬步兵勇共六千

餘名內分派楊遇春帶領兵勇三千四百餘名

在陝楚邊界分投堵剿又分派穆克登布帶領

一千六百餘名李廷珍現帶入川追剿之兵勇

五百餘名卽係穆克登布原帶分出之兵其原

帶廣東兵丁三百五十餘名現已歸併

臣

軍營

該路鄉勇七百餘名均經遣撤現在臣共帶馬

步兵勇一千八百餘名臣督率在於川陝邊界

分合往來探剿其餘官兵均分派各鎮將帶領

在川陝要路分卡探剿防堵雖未逐日奔走而

數月來川楚零匪不能闖入陝疆實藉其力似

未便全行撤動致零匪又得肆竄臣身膺重任

殺賊乃臣專責惟有隨時相機或挑官兵數百

各掩旗息鼓親帶往剿或仍派將領設法分撥  
入林搜捕以冀迅就肅清至臣前此欲將城堡

營汛及時趕辦以期制賊竄走且無業游民可

資安頓係臣愚妄無知冒昧陳奏仰荷

鴻慈逾格曲賜矜全僅予薄懲實不勝涕零感激臣

雖不識漢字主見由臣所出臣因往返於川陝

楚邊界目覩情形是以就愚昧之見具奏未能

通計全體三省督撫實未言及此事臣遠在邊

界齊則地方各官尤無來謁見之人總因臣糊

塗冒昧越分妄言咎無可諉臣現惟凜遵

諭旨專心辦賊少贖罪愆奏入

上命軍機大臣傳諭額勒登保曰額勒登保奏帶兵

西進截剿合夥股匪雖稍有斬獲尚未辦竣一股

且摺內有餘匪逃匿無蹤之語無蹤二字殊不成

話此皆由官兵等未能跟蹤以淨率以無蹤稟報  
殊不知賊匪藏匿山林無兵擊日久又復潛出  
裹脅滋擾額勒登保當嚴飭帶兵將領務將剿敗  
所剩零匪確探窮追不留餘孽至前奏通籌三省  
情形茲據奏稱伊因往返川陝楚邊界目覩情形  
是以就愚昧之見具奏未能通計全體實係伊一  
人主見等語額勒登保殺賊乃其專責前摺所奏



本屬錯謬今既自知越分妄言惟當奮力搜捕將  
各路零匪全數肅清如能於四月內一律蕩事則  
不但復還御前大臣賞還紫韉並當再予加恩功  
過惟視汝自取朕從無成見况據覆奏現在帶兵  
將領足數分派陝省征防官弁兵勇尚有三萬餘  
名較之千餘賊數幾二十餘倍以多擊少有何難  
辦惟三萬餘名兵勇內隨征者僅有六千餘名其

餘分撥防堵者轉有二萬餘名在各路緊要隘口  
自宜駐兵防守但未必處處均屬隘要亦當酌看  
情形將防兵量爲調用閩單內所開帶兵防堵各  
員如喜明柯藩九十九汪啟等數月以來從未見其  
打仗剿賊止於在彼駐劄而兵勇等日久閒居卽  
趨健者亦轉形疲弱設遇賊匪竄近亦不過就地  
堵禦使之不能闖入甚或至有疎防任賊竄過十

隘均所不免卽如前次由陝竄楚之二三百餘人卽其明驗似此有甲之兵四散安置徒多無益莫若於此項防堵將備兵勇內挑選勇健者派令隨營搜剿或就各該處地勢察看有可將卡隘量爲移近緊逼堵截之處則需兵較少亦可騰出防兵作爲征兵於捕賊更爲有益此皆經畧分內應辦之事額勒登保未見及此卽伊不能通盤籌畫之咎

現在零匪雖屬無多而輾轉奔竄狡猾異常此時  
惟當痛加剿戮不必再事招撫轉致稽延

同日祖之望奏言

臣

前因陝省存貯兵糧僅敷

四月以內之用札商四川督臣勒保近接勒保  
覆信以川北保寧等處存米須留備川省供支  
不能再爲撥供惟保寧以上之順慶等處民間  
積貯較多若備價採買尚易辦理又准河南撫

臣馬慧裕札開接奉

諭旨令豫省撥兵水赴陝查豫省河南陝州等屬碾  
米運至潼關約計水陸程途七八站再自潼關  
運至漢中興安等屬又有陸路千數百里運脚  
稍多若自川省順慶等區採買由水路運至朝  
天關再自朝天關陸運至漢中統計程途一  
千數百里路近而費亦相省且豫省動碾只係

小米川省採辦係屬大米於兵食更爲相宜

臣

已飭司派員攜銀往川省順慶一帶採買一面知會馬慧裕將擬撥之米暫緩動碾奏入

上命軍機大臣傳諭祖之望馬慧裕曰陝省需用兵糧旣據祖之望熟籌水陸程站情形豫省不若川省爲便但川省採買之米是否足供接濟尚難懸定著傳諭馬慧裕祖之望接到川省委員稟報是

否另須接濟之處飛咨豫省該撫再行量爲籌撥  
可也

同日

上諭內閣曰前因川陝楚大功戡定曾降旨諭令該  
督撫等將各屬被賊近賊地方節年民欠銀糧開  
單具奏候朕加恩茲據禮之望查明陝省被賊近  
賊各屬州縣自嘉慶元年至七年止各項民欠銀

糧分別開單進呈所有曾經被賊滋擾之寧陝孝  
義南鄭西鄉洋縣城固寧羌沔縣褒城留壩鳳縣  
畧陽安康漢陰石泉平利紫陽洵陽白河商州鎮  
安山陽雒南商南咸寧長安盩厔鄠縣藍田渭南  
郿縣扶風岐山寶雞隴州汧陽華州三十七廳州  
縣七年以前民欠未完地丁正耗鹽課常社倉糧  
及各項銀米均著加恩全行豁免其鄰近賊氛及



承辦軍需之咸陽興平醴泉臨潼高陵涇陽三原  
富平耀州同官潼關朝邑郃陽大荔澄城華陰韓  
城白水蒲城鳳翔麟遊乾州武功永壽邠州長武  
淳化二十七廳州縣七年以前一切民欠銀糧並  
著加恩蠲免十分之五又沿邊一帶轉運軍火之  
庸施安塞甘泉安定保安宜川延川延長靖邊定  
邊榆林葭州懷遠神木府谷綏德清澗米脂吳堡

鄜州洛川中部宜君二十三屬州縣七年以前未完常社倉糧籽種等項亦著加恩蠲免十分之五該督等仍應飭屬詳細清查分別核題勿得稍有牽混遺漏以副朕軫念窮黎至意

同日勒保奏言查東三省馬隊官兵除節次凱撤外尚有一百五十餘員名向係副都統銜達斯呼爾岱帶領臣昨與達斯呼爾岱公同挑出

精銳官兵八十四員名仍交達斯呼爾岱帶領  
暫留川省搜捕其餘七十三員名或年力就衰  
或因病疲之理應先行凱撤回營以示體恤而  
節經費

同日吳熊光奏言據副將呢瑪善稟稱該將帶  
兵追賊行至江廠地方見有三十餘人在彼搶  
掠居民糧食衣物并用矛扎傷二人當卽傳集

寨勇將該犯等三十四人一併擒獲緝送前來

臣查訊大半俱係川陝楚三省散出鄉勇并聞

有從前隨營人夫在內沿途糾眾假充教匪搶

掠傷人

臣

欽遵

諭旨不提鄉勇各目將該犯李佳貴等三十四人作  
爲餘匪一併正法均奏入報

聞

初二日

丙寅

德楞泰奏言

臣

二十三日接到豐紳

來信遊擊傅廷標晉之連等帶兵於老林內桃木坪追殺零匪七名生擒五名又據總兵田朝貴等稟報朱陳二逆餘匪向秀才口逃遁田朝貴馬元等派兵分路進剿賊匪分爲數起蜂擁直前遊擊薛陞都司趙琴劉啟貴等率兵力戰其旁突之賊復經都司瞿心能守備張萬林張

應錫等率兵繼進殺賊二十三名活擒十二名  
山坡伏賊又復往下撲歷適田朝貴馬元等由  
大塹穿林而來復自上壓下守備張萬林張應  
錫郭成把總向貴牟耀先藍翎兵丁李自貴  
德勝張必元陳永中旗手軍功王鳳起等殺斃  
戴紅帽花翎賊目四名外委周文炳藍翎軍功  
廖榮軍功旗手彭貴魏彪黃正開陳九萬兵丁

曾興盧定才勝起得等殺斃戴藍頂花翎水晶  
頂花翎藍翎賊目六名各兵勇又殄殺賊匪三  
十四名生擒八名餘賊始敗上紙版二壘巖都  
司高星文把總匡成玉等又斃賊十二名活擒  
四名都司鄭啟貴趙琴等追至瓢廠又斬獲賊  
數名計此次共殺賊八十六名生擒二十四名  
餘匪尚有百人向三十丈老林奔逃訊據僞先

鋒段三順等供稱係白號宋應伏餘匪因宋元帥被官兵殺了大掌櫃宗癩子余佐斌熊老八米頭子就立馮麻子做元帥名叫馮天保後又與黃號王國賢苟朝九夥內各散匪合夥共有二百多人今日打仗已將宗大掌櫃馮元帥殺了那穆大人是余佐斌同宗癩子熊老八動手殺害的隨令認出大掌櫃宗癩子偽元帥馮麻



子首級兩顆

臣

查宋應伏陳文海餘匪只剩百

人已向西北太平東鄉界上奔逃有仍竄川北

之勢現今陳弼李廷珍合兵千餘名跟蹤趕剿

川東如巫山奉節等處連日排搜實已無賊並

據叅將閔懷希稟報太平城口一帶亦無餘匪

藏匿總兵田朝貴馬元等所剿苟朝九餘匪內

出山西竄者百餘人其餘二百餘人仍在開縣

山內藏匿現有田朝貴都司趙琴兩路探剿統  
計川東川北各逆約共不過八九百人均有重  
兵搜剿不難集事昨接吳熊光來信稱楚省賊

股人數稍多兵不足恃臣雖飛飭吉林秦李天

林等以川東無賊毋庸在邊界堵禦令其探蹤  
趕剿仍恐該鎮等兵力難靠而楊遇春扼住陝  
楚邊界極爲緊要勢難采入剿辦臣酌量緩急

卽帶兵過楚抄出賊前向西兜截以期就地掃  
除設稍有未淨卽逼截入川將楚省全行廓清  
至各處兵勇伏查勘定以後迄今已閱四月零  
匪人數原屬無幾惟所剩皆係積年老賊詭譎  
異常兵至則三五亂逃兵去則百十蟻聚窺伺  
設伏情如鬼域官兵稍不檢點卽墮其計兼之  
近日雨水較多山河泛漲官兵追賊泥濘難行

以致輟轉稽遲實非鬆勁

臣

惟嚴飭各鎮將等

趕緊剿辦務於四月內一律肅清斷不潦草完

事再查甘肅紅城堡守備姜成龍所帶鄉勇間

有在途逗遛併向洞寨沽買酒肉之事經都司

左位屢加面飭猶復縱容不加管束殊屬藐玩

相應請

旨將守備姜成龍革職作爲兵丁以示懲儆奏入

上命軍機大臣傳諭德楞泰曰此次德楞泰分飭將領搜捕宋陳餘匪共殺賊八十六名生擒二十四名並殲戮大學樞宗癩子偽元帥馮天保生擒偽先鋒段三順統計共有一百數十人而賊勢總未大滅殊不可解至獲賊供內穆克登布係余佐斌同宗癩子熊老八動手殺害之語前據德楞泰稱戕害穆克登布之賊係探馬頭左丙茲佐斌左丙

同音或此犯卽係余姓今旣在逃必應與熊老八  
一體嚴拿務獲現據稱統計川東川北各逆約共  
不過八九百人此外如巫奉大寧及太平城口一  
帶均已排搜無賊等語賊蹤飄忽無常往往有地  
方官稟報無賊而逾時又有賊蹤出沒德楞泰此  
時但知大寧等處山內已無賊匪而不知出山之  
賊俱已竄至他處昨據吳熊光奏竄楚之賊卽有

川匪一股由向家壩竄入竹谿又苟朝九股內張  
姓賊匪三百餘人由大寧之黃墩竄出兩扇門衝  
過陝省營卡竄入楚省著德楞泰查明是否卽係  
從前大寧打散餘匪如果係川省零匪分竄前往  
則楚匪增多川匪自應減少倘川楚現在賊數仍  
復照前則楚省竄匪又屬新添矣德楞泰因接吳  
熙光來信楚省賊數較多酌量緩急卽帶兵過楚

督飭各路趕剿所見甚是如能將各處餘匪就地  
殲除固屬甚善設或稍有未淨亦當逼截入川以  
便聚而殲洗再摺內稱雨水較多山河泛漲等語  
前曾屢降諭旨飭令伊等務於四月內全數廓清  
今不待夏令摺內已稱官兵追賊泥濘難行設將  
來雨水盛行而餘匪誘煽勾結又有新起之賊  
辦理不更形棘手耶德楞泰自定限期於四月內



一律肅清卽當上緊籌辦迅勉奏績毋得再有遲緩干咎至紅城堡守備姜成龍不能管束鄉勇聽其在途逗遛併向硯寨沽買酒肉滋事著卽革職作爲兵丁以示懲儆

同日勒保奏言查總兵田朝貴一路所追苟逆餘匪在黃柏棚麥家山等處剿散後分爲數起潰逃田朝貴當與副都統富僧德總兵蒲尚佐

等分路追捕兵抵開縣太平交界地方探得零  
匪五六十人擄掠附近民人向馬家洞寨民勒  
換糧食官兵直前斬捕殲斃賊匪二名生擒戰  
手四名立時正法餘匪現皆竄匿老林仍四路  
分兵搜捕至副都統銜達斯呼爾岱副將羅聲  
畢等所追之賊近日總在通南各處老林輾轉  
窮竄連日總兵達自祥復帶兵由西向東探蹤

夾擊茲據稟報兩路官兵於小坪溪會合之後  
跟蹤追擊官兵一晝夜行一百五六十里趕至  
柳黃地方係賊匪屯聚之所該匪聞信卽竄上  
甘草洲山梁擲石抗拒叅領薩凌阿腰被矛傷  
藍翎驍騎校住爾善右腿右手均被石傷幸皆  
不重兵勇奮力向前鎗箭齊發殲斃賊匪十餘  
名著鎗中箭者甚多賊匪潰散向都分坵一帶

遁逃現仍分路探剿又據達白祥稟報該鎮前  
由廣元移兵東來途次探有零匪十餘人在板  
橋口滋擾當卽派兵搜捕拏獲賊匪彭止貴等  
十名據供同夥係十四人尚有四人逃走當卽  
傳知各碉寨留心查拏旋據通江縣團勇將劉  
俸友等四犯全行搜獲供情召合卽將該犯等  
概行正法又辦理團練委員楊沛雲拏獲剿散

零匪沿途殺人之譚岳文位國陳維新三犯

臣

亦已批飭就地正法至叅將羅思舉所追之賊七八十人因接到劉清信云已差人往招囑令暫緩攻剿詎該匪等行至南江李家營地方適達斯呼爾岱等所追之賊竄來該匪等即將劉清所差軍功李植德僧人通添等戕害旋即竄走

臣

已嚴飭劉清不必再信招撫之說以致有

悞剿辦機宜並飛飭羅思舉速行追剿奏入

上命軍機大臣傳諭勒保曰勒保奏官兵趕剿零匪情形一摺俱與額勒登保所奏大畧相同至摺內所稱叅將羅思舉所追之賊七八十人將劉清所差軍功李植德僧人通添等戕害旋即竄走等語前次該督曾奏及劉清往南江招撫一節當經諭以賊匪狡詐雖當十分窮蹙之時安知不以悔罪

之詞爲緩兵之計飭令勒保上緊剿拏不必稍存  
觀望今閱所奏劉清竟誤信賊匪投誠之說爲其  
所愚其所遣軍功僧人等轉被戕害果不出朕之  
所料劉清本應治罪姑念平日官聲清潔暫從寬  
免總之此等匪徒怙惡不悛投誠本不足信現在  
祇應剗絕根株方爲正辦不必再主招撫之說以  
致有悞剿辦機宜並著勒保嚴飭劉清當督率圍

勇認真搜捕倘再輕信賊匪之言仍事招撫致該  
匪等得以延喘奔逃輾轉滋擾必將剷清治罪不  
貸

初六日

庚午

勒保奏言據東鄉文武稟報有零匪

一起四十餘人由東開交界老山竄出探係白

號餘匪宋國品裝賊

臣

當飭叅將桂涌帶兵緊

躡由梁山墊江等處窮追五晝夜至大竹所屬



蒲包山桂涵商令署大竹縣袁士綉帶領團勇  
向大壩口山梁埋伏桂涵率兵追抵高灘場賊  
匪正欲竄走大壩口經團勇施放鎗礮截住去  
路該匪見無路可逃卽搶佔柏楊溝山梁憑高  
抗拒桂涵策勵兵勇奮力仰攻殺斃賊匪三十  
名賊首宋國品持矛奪路欲逃當被鄉勇彭貴  
李俸併力格去該逆所持矛桿將該逆抱住外

委王良才上前一同擒獲臣親提訊鞫據宋國

品供係白號張子聰徒弟湯思蛟劉朝選封我

爲元帥帶領三四千人在三省往來與官兵打

仗不記次數上年夏間被官兵連次剿殺湯劉

二人不知去向我與岳先鋒帶了十八人逃入

太平老林近日逃出山來共湊合了四十多人

想不到柏楊溝前後有兵無路可逃官兵將岳

先鋒殺斃衆人也被擒殺盡了等語

臣

查宋國

品一犯向與湯劉等逆同時滋事茲得臨陣生

擒可見該犯罪惡貫盈不能倖逃法網當將該

犯齧割處死現仍催令各路迅速搜捕以淨餘

孽至上年冬間

臣

與額勒登保在太平會晤論

善後事宜

臣

告以被賊州縣如已州通江南江

東鄉四處舊城被賊殘毀將來均須修築太平

屢一處向無城垣新築土牆究不足以資久遠  
亦須改建計每座城垣約需銀四五萬兩刻下  
軍務未竣此事尚非急務只可從容籌議自入  
春以來未與額勒登保見面書信亦未論及昨  
額勒登保具奏請餉興修亦未先與臣札商至

於新設營汛衙署堡房等項額勒登保德楞泰  
均曾寄信催辦臣斟酌各處情形如廣元縣之

黃楊堡一處地方久經肅清該處應設營房衙署業經建造完工其大寧縣之徐家壩太平廳之城口二處應設營房衙署現已次第估計興建其通江縣之竹峪關巫山縣之大昌二處係賊匪往來之所目下未便動工應俟軍務全竣後再行辦理臣均節次寄覆額勒登保德楞泰二人此時額勒登保具奏並未先興臣札商又

現在官兵追賊日無停趾所需餉項經達保等局按月支發有時預支一月半月者亦有時積欠一月半月者總因兵無定向餉銀亦不能剋日到營卽如近日田朝貴一路餉銀現在解貯開縣羅聲舉一路餉銀現在解貯南江皆一月有餘而此兩路官兵均在老林追賊尚未提銀支發遲早稍有不同總歸於按日計算從未有

短缺之事本年奉撥餉銀七十萬兩係兩淮之  
項計程須四月底五月初方可到川此時應用  
各項係將去年奉發穀價銀兩及本年各州縣  
徵解地丁鹽課等項暫行挪墊至川省動用銀  
兩現在惟儘軍需之用亦從不敢以軍餉銀兩  
挪爲地方公費再查川省官兵統計實存徵防  
兵數共一萬四千八百三十六員各鄉勇一萬

八百一十八名其德榜泰一路兵勇數目不在其內所有支發官兵鄉勇分例以及製辦軍火軍裝與運送軍糧各項腳價等款約每月需銀十萬餘兩計算支發至何月又須接濟之處容查明再行具奏奏入

上命軍機大臣傳諭勒保曰宋國品一犯亦係著名首逆輾轉奔竄日久稽誅今從老山竄出桂涵探



蹤緊躡窮追五晝夜不予以暇直至高灘場地方  
截住去路該匪奪路欲逃被鄉勇彭貴李俸併力  
格鬪將該逆犯住外委王良才上前一同擒獲均  
屬可嘉桂涵著交部議敘王良才著加恩以把總  
卽用鄉勇彭貴李俸如從前未經賞有頂戴卽著  
賞給七八品頂戴並賞給藍翎如業有頂戴卽賞  
給加一等頂戴並賞藍翎此時川省零匪尚在本

竄勒保惟當嚴飭鎮將奮力排搜務於四月內趕  
緊廓清又另摺覆奏巴州等處城工額勒登保會  
向勒保商及當經告以軍務未竣此事只可從容  
籌議等語勒保所見尚是至軍餉一項據稱近日  
田朝貴羅聲臯兩路一月有餘餉銀尚未支發等  
語軍餉銀兩自應緊隨兵行按日支給今田朝貴  
等在老林追賊一月有餘之餉尚未支發辦理遲

延著勒保卽飭知速行照數給發其現存銀兩計  
算支發至何月之處並著勒保速行查明如或尚  
須接濟卽當早日馳奏以便先期酌發斷不致有  
誤應用

同日惠齡奏言

臣

督同楊芳等深入老林尋蹤

搜捕楊芳搜至火地趕上零匪射斃一人戮斃  
二人都司和祥一路搜殺賊匪三人都司張超

一路搜殺賊匪五人都司馬進一路搜殺賊匪

一人千總秦繼昌一路搜殺賊匪二人軍功張

成榮等拏獲二人其餘匪三人跳崖跌斃南路

零匪業已淨盡其北路大秦嶺一帶臣亦督催

各路趕緊搜洗再據漢中府知府趙洵稟報從

九品孫泰搜過賊匪鎗斃一人捉獲一人又候

補縣丞伍國瑞稟報在鐵冶河搜獲探信賊匪

一名臣查各路官兵稟報與賊匪供詞大約所

存尚有七八十人無難以次掃除再臣自上年

秋間與額勒登保晤後迄今未經會面此次額

勒登保具奏通籌三省情形並未與臣札商合

併陳明

同日祖之望奏言伏查額勒登保具奏三省情

形之摺並未與臣會商至軍餉一項從未敢稍

有挪移作地方公費本年正月間蒙

恩旨賞撥豫餉五十萬兩除還甘餉之外共存三十  
二萬餘兩已爲二月一月及閏二月上旬各路  
供支之用今奉

諭旨將每月應需餉銀數目詳悉查明具奏查陝省  
軍餉前數年每月需銀五十餘萬自上年冬間  
兵勇以次剝撤截至正月計每月需銀三十餘

萬兩嗣兵勇復有裁撤現在應支軍餉並辦理一切軍需糧運等事每月需銀二十五萬八千餘兩均奏入

上命軍機大臣傳諭惠齡曰惠齡奏此次督同楊芳等將南路零匪殲戮無遺惟北路大秦嶺一帶據稱尚有七八十人自無難悉數掃除至該匪等三五成羣蹤跡無定設官兵不急爲掩捕難保其不

輾轉奔逸又復竄至南路該督當飭鎮將跟蹤確  
探盡力窮追務於四月內將北路零匪一律辦淨  
上又命軍機大臣傳諭祖之望曰據稱陝省軍餉並  
一切軍需糧運等事每月實需銀二十五萬八千  
餘兩本年兩次賞撥豫餉銀共有一百萬兩除業  
經歸還前欠外既足敷四五兩月之需尚爲寬裕  
祖之望惟當督飭局員等撙節妥辦源源運供謹



或撤兵稍遲軍儲尚須接濟亦不待祖之望臨時  
奏請朕必先期撥給俾及早解到以副要需斷不  
致遲誤

同日

上諭內閣曰前因大功告蒞曾降旨將川陝楚及河  
南甘肅等省被賊近賊地方節年民欠銀糧令各  
督撫開單具奏候朕加恩茲據惠齡查明甘肅省

被賊近賊各廳州縣自嘉慶元年止七年止各項  
民欠銀糧分別開單進呈所有曾經被賊滋擾之  
隴西寧遠伏羌安定岷州會寧通渭西和洮州漳  
縣平涼靜寧隆德固原秦州華亭鹽茶秦安清水  
禮縣徽縣兩當三壘崇信階州文縣成縣西固靈  
臺等二十九廳州縣七年以前民欠未完地丁正  
耗雜賦銀兩及糧石折色草束等項均著加恩全

行豁免其鄰近賊氛及供應軍糧之臯蘭河州狄道渭源靖邊金縣沙泥紅水莊浪循化安化寧州正寧合水環縣涇州鎮原寧夏寧朔中衛平羅靈州等二十二廳州縣七年以前民欠未完地丁正耗雜賦銀兩及糧石折色草束等項並著加恩蠲免十分之五該督仍應飭屬詳悉清查分別核題勿得稍有牽混遺漏

十一日乙亥額勒登保奏言達斯呼爾岱羅聲臯

追剿之賊連日由東太之錦雞壩奔竄七里溝

有東趨之勢臣卽督兵取道八臺山緊顧東北

抄截詎該匪又向西狂竄萬分狡獪兵進亦進

兵止亦止二十八日探悉該匪在東乙溝之風

洞巖老林相距三十餘里遂派叅將特依順保

等帶領兵勇前赴達斯呼爾岱等一路協同追

剿臣親督總兵王兆夢等迎頭抄截二十九日

特依順保等行抵海青寺山梁遙見賊匪正在

山頂林邊巖坎集衆擲石抗拒官兵衝撲而進

立斃賊匪二十餘名生擒執旗賊目一名矛手

十三名臣行至立茅坡山梁聽聞南面鎗礮聲

響卽催兵抄截將至溝底正遇賊匪向對面應

皮山老林狂竄當經截殺又斃賊匪二十餘名

生擒十七名賊匪翻越數重大山竄走查訊活  
賊內有偽先鋒范維元旗手趙維章張茂清等

三名據供此股係白號趙元帥帶領一百四五

十人在大寧山內與藍號李先鋒帶領一百七

八十人會合二月間有藍號齊頭領孤身一人

前來投營衆人認得他是齊國典留他在營管

牙手後又會合了元帥靳思慶帶領一百三四

十人又合了齊家營四五十人總共五六百人等語查此股合竄之賊經此次剿殺所剩不過四百餘人再得一兩仗可以辦竣又接通江縣稟報有零匪數十人在南江縣長池白頂子一帶屯聚經臬司劉清派勇前往將該匪全數殲擒現在南廣一帶並無零匪

同日吳熊光奏言竊卡前奉

諭旨以賊匪由大寧竄至兩扇門向東奔到湖北其  
防堵員弁應行查叅等因查此次陝匪由竹谿邊  
界竄入係鄖陽鎮總兵慶溥分防之地但楚省  
兵勇無多堵剿不能兼顧必須全境肅清方能  
駐守邊界若腹地有賊又當以剿捕爲重查慶  
溥於苟逆餘匪未到竹谿之先卽經臣  
奏明調來房縣一帶剿捕竹谿邊界別無兵勇可



以撥往守禦當陝匪闌入時慶溥正在追賊似  
難又責以防邊不力之咎目下賊匪愈少愈狃  
專以避兵爲得計官兵追躡賊蹤儘力追擊尚  
未能漸次廓清若再駐兵防堵轉致有兵之處  
無賊有賊之處無兵於剿捕機宜殊無裨益

臣

愚昧之見此時似當合三省兵力專主於剿庶  
歲功不致滯滯至楚省糧餉近日提臣楊遇春

帶兵入楚協剿竄匪臣已撥銀一萬兩送交楊

遇春散給並函致楊遇春如有不敷再當如數  
補解楚省需用銀數不免較前加增然核計存  
餉尚敷三月有餘之用不致短絀均奏入

上命軍機大臣傳諭額勒登保曰此次額勒登保親  
督官兵追剿合竄之賊又殲擒百餘人所剩不過  
四百餘人額勒登保現在督率各路將領分合前

進自無難迅就殲除惟此時賊數愈少賊情愈形  
詭詐額勒登保總應嚴飭將領留心防備於迅速  
之中倍加慎重不可心存輕視致墮詭計至齊國  
典亦係著名首逆必當嚴行緝拿其餘有元帥先  
鋒僞號者著一體懸賞悉數殲擒現在德楞泰業  
已赴楚勒保又在達縣養病額勒登保身爲經畧  
有總統之責其川東一帶零匪雖有色爾滾馬瑜

等在彼搜剿額勒登保總應就近督飭趕辦再前  
此陝匪由竹谿邊界竄入楚境經吳熊光查明係  
鄖陽鎮慶溥分防之地彼時慶溥正在房縣帶兵  
追賊自難兼顧其賊匪衝過陝省官兵營卡係屬  
何人防守著額勒登保查明參奏

上又命軍機大臣傳諭吳熊光曰吳熊光奏前次陝  
匪由竹谿邊界竄入係鄖陽鎮慶溥分防之地該

鎮早已調至房縣一帶追剿不能兼顧自屬實情  
此股餘匪究由陝省何處營卡衝破東奔湖北其  
防堵不力之員已另交額勒登保確查叅奏至摺  
內稱楊遇春帶兵入楚餉項較前加增此時德楞  
泰一路官兵又來楚督剿其軍火糧餉最爲緊要  
該督務應督飭局員源源運供毋稍缺乏

同日吳熊光又奏言查綠營兵丁如遇移營定

例分別馬步守兵加給站夫五十三二十名  
不等以資搬運軍裝行李嗣因賊匪往來奔竄  
官兵日逐移營斷難逐處安設夫站是以加添  
站夫折給夫價如馬兵連長夫折給七十名步  
兵折夫五十名守兵折夫四十名此楚省舊辦  
章程也嗣川省咨到奏定條款綠營兵丁無論  
馬步守兵均折給長夫四十名雇夫雇騾聽其

自便較楚省有減無增兼覺簡便卽經

臣

奏請改照川省章程茲戶部駁飭仍照楚省舊章

辦理第楚省自前年改給以來遵行已久現當

追捕緊急未便復有更易

臣

已飭令各糧員照

舊支應以免掣肘又定例各官跟役只支口糧

不支鹽菜嗣川省奏定章程因外委一項係屬

微弁每月所得分例無幾若跟役不給鹽菜更

形拮据是以獨於外委跟役每名加給鹽菜銀

五錢以示體卹

臣

因川楚官兵往來剿捕兩省

互有支給未便獨令向隅是以一體加給茲戶

部駁飭刪減惟是帶兵接仗外委都在前敵况

川楚事同一例未便兩歧

臣

亦飭令糧員照舊

支給在案並據總兵慶溥稟稱陝省軍營鄉勇

按月給銀一兩四錢六分日支口糧米一升而



楚省鄉勇則奏定按月給銀二兩四錢不支口糧現今深山之中米糧短少無處購買請照陝省之例支給臣查現在隨營進剿者不過二千餘名所需口糧爲數不多且搜捕零匪多在老林窮谷無處買食應請改照陝省章程俾得踴躍飽騰奮力搜剿以上三款仰懇

皇上逾格

加恩俯賜准行奏入

上從之

十二日

丙子

德楞泰奏言竊

臣

帶兵過楚督飭各

路官兵分投兜剿將來各逆勢必西逃若賊竄

向西北現有豐紳兵力在大寧邊界隨時自可

探剿惟大寧迤南至巫山綿長四五百里設楚

匪向西南狂奔則巫奉一帶又受蹂躪是以

臣

將富僧德蒲尚佐等一路兵力撤回令蒲尚佐扼住大昌一帶與豐紳聲勢較爲連絡現據蒲尚佐稟報叅將虎正林遊擊門繼春探有竄匪二百餘人屯於交界之雙合寨該鎮恐兵自西東進賊卽回楚已將兵勇撤回讓出西面俟其衆入再由東北向西南尾擊查雙合寨一帶北西卽大寧竹山地界除飭蒲尚佐等向西兜剿

並飛致豐紳過其北面外兼令副都統都當阿  
總兵李天林副將孫應奉等由巴東取道長峯  
堆子自東向西與蒲尚佐兩面夾攻諒可就地  
殲盡奏入

上命軍機大臣傳諭德楞泰曰德楞泰奏稱蒲尚佐  
等探有賊匪二百餘人現屯於交界之雙合寨該  
鎮將兵勇撤回讓出西面俟其入再由東北向

西南尾擊等語此時該匪既竄入楚界卽當督率  
鎮將等就地殲除勿留餘孽若必讓出西面俟其  
入川再行兜截則往返徒費時日且安知該匪不  
更從別路折回似此輾轉跟追何時始能辦盡耶  
總之川楚皆吾百姓豈厚於楚薄於川賊在何處  
卽於何處痛剿爲正辦豈可任其奔突轉增裹脅  
又延時日乎現在川省零匪據額勒登保奏報田

朝貴桂涵等各路官兵追剿曹宋等逆連獲勝仗  
昨額勒登保又親督官兵將合竄之賊痛加殲戮  
是川省零匪均有官兵追捕德楞泰竟可無庸兼  
顧惟當專心搜捕楚境零匪實在並無一名餘匪  
方可回川斷不可稍有草率